



ახმეტის მუნიციპალიტეტში ფშაველი-აბანო-
ომალის საავტომობილო გზის პრობლემური
მონაკვეთების რეაბილიტაციის ტექნიკურ-
ეკონომიკური შესწავლა და დეტალური
საინჟინრო პროექტის შედგენის მომსახურების

შესყიდვის

დოკუმენტაცია

ქ. თბილისი
2014 წელი

სარჩევი

1	ტექნიკური დოკუმენტაცია	3
2	სახელმწიფო შესყიდვის შესახებ ხელშეკრულების პროექტი	5
3	დანართი N1- ტექნიკური დავალება.	10
4	დანართი N2 ინფორმაცია ანალოგიური მომსახურების შესახებ	14
5	დანართი N3 - საპროექტო მომსახურების ფასი და რეკვიზიტები	15

1. ტექნიკური დოკუმენტაცია

1.1. შესყიდვის ობიექტის მახასიათებლები:

1.1.1. შესყიდვის ობიექტის ტექნიკური დავალება მოცემულია დანართში N1, რომელიც შემდგომ განისაზღვრება გამარჯვებულ პირთან გაფორმებული ხელშეკრულების განუყოფელ ნაწილად.

1.1.2. მომსახურების მიწოდების საერთო ვადა მოცემულია დანართში N1 (ტექნიკური დავალება).

1.1.3. პროფესიული პასუხისმგებლობა:

1.1.3.1. გამარჯვებული პირი ვალდებულია საკუთარი ხარჯებით უზრუნველყოს პროფესიული პასუხისმგებლობის დაზღვევა, პროფესიული პასუხისმგებლობის პირობები მოცემულია ხელშეკრულების მე-9 მუხლში.

1.1.4. შესყიდვის ობიექტის სავარაუდო ღირებულება შეადგენს 28000 ლარს, რაც მოიცავს დანართით N1 (ტექნიკური დავალება) გათვალისწინებული მომსახურების მიწოდებისთვის გათვალისწინებულ ყველა ხარჯსა და მოსაკრებელს, პროფესიული პასუხისმგებლობის უზრუნველყოფის მიზნით გათვალისწინებულ ყველა ხარჯს, წინასწარი ანგარიშსწორების (საავანსო გადახდის) საბანკო გარანტიის ხარჯს (ასეთის მოთხოვნის შემთხვევაში) და მიმწოდებლისთვის გათვალისწინებულ ყველა გადასახადსა და მოსაკრებელს.

1.2. მინიმალური მოთხოვნა, რომელსაც უნდა აკმაყოფილებდეს მონაწილე პირი:

მონაწილე პირს 3 წლის განმავლობაში წარმატებით უნდა ქონდეს განხორციელებული დანართით N1 (ტექნიკური დავალება) გათვალისწინებული მომსახურების შინაარსის არანაკლებ 3 პროექტი, რომელთაგან მინიმუმ ერთი პროექტი უნდა იყოს მინიმუმ დანართით N1 გათვალისწინებული მომსახურების ღირებულებისა და სირთულის.

1.3. შემოთავაზების ფასი

1.3.1. ფასი გამოსახული უნდა იყოს ლარში, რაც მოიცავდეს დანართით N1 (ტექნიკური დავალება) გათვალისწინებული მომსახურების მიწოდებისთვის გათვალისწინებულ ყველა ხარჯსა და მოსაკრებელს, პროფესიული პასუხისმგებლობის უზრუნველყოფის მიზნით გათვალისწინებულ ყველა ხარჯს, წინასწარი ანგარიშსწორების (საავანსო გადახდის) საბანკო გარანტიის ხარჯს (ასეთის მოთხოვნის შემთხვევაში) და მიმწოდებლისთვის გათვალისწინებულ ყველა გადასახადსა და მოსაკრებელს.

1.3.2. მონაწილე პირის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ზე მეტი ოდენობით სხვაობისას, კომისიის მიერ შესაბამისი გადაწყვეტილების მიღების შემთხვევაში, შემსყიდველის მიერ განსაზღვრულ ვადაში, მონაწილე პირი ვალდებულია, წარმოადგინოს შემსყიდველის მიერ განსაზღვრული დოკუმენტაცია ფასწარმოქმნის ადეკვატურობის და/ან ამ ფასად ვალდებულების მიწოდების შესაძლებლობის შესახებ. ზემოხსენებული დასაბუთებისა სათანადო დოკუმენტაციის წარმოდგენლობა გამოიწვევს მონაწილე პირის დისკვალიფიკაციას.

1.3.3. საპროექტო მომსახურების ფასი წარმოდგენილი უნდა იყოს დანართის N3-ის მიხედვით.

1.3.4. საპროექტო მომსახურების შემოთავაზება რომლის ფასი აღემატება შესყიდვის სავარაუდო ღირებულებას არ განიხილება.

1.4. ანგარიშსწორების პირობები:

ანგარიშსწორების პირობების მოცემულია ხელშეკრულების მე-7 პუნქტში.

1.5. მონაწილე პირის მიერ წარმოსადგენი ინფორმაცია

1.5.1. დანართი N2 ინფორმაცია ანალოგიური მომსახურების შესახებ, რომელიც უნდა აკმაყოფილებდეს 1.2. პუნქტით გათვალისწინებულ მოთხოვნებს.

✓ შენიშვნა:

1.2. პუნქტით გათვალისწინებული ინფორმაცია წარმოადგენს მინიმალურ მოთხოვნას, რომელსაც უნდა აკმაყოფილებდეს მონაწილე პირი, ამასთანავე მონაწილე პირი არ არის შეზღუდული წარმოადგინოს ანალოგიური პროექტების განხორციელების სრული ინფორმაცია.

1.5.2. დანართი N3 – საპროექტო მომსახურების ფასი და რეკვიზიტები.

1.5.3. მინიმუმ დანართით N1 (ტექნიკური დავალება) გათვალისწინებული მომსახურების ანალოგიური შინაარსის, სირთულისა და ღირებულების პროექტის შესრულების დამადასტურებელი დოკუმენტი.

1.6. მონაწილე პირის მიერ წინადადების წარმოდგენის წესი.

1.6.1. მონაწილე პირებმა წინადადება და მოთხოვნილი ინფორმაცია უნდა წარმოადგინონ 2014 წლის 07 აპრილის 16:00 საათიდან 17:00 საათამდე დალუქული კონვერტით შემდეგ მისამართზე: ქ. თბილისი, დავით აღმაშენებლის გამზირი N150, მე-3 სართული, ოთახი N 301 - სსიპ საქართველოს მუნიციპალური განვითარების ფონდი.

1.7. გამარჯვებულის გამოვლენა:

1.7.1. გამარჯვებული გამოვლინდება კომისიური წესით, გამარჯვებულად ჩაითვლება მონაწილე პირი, გამოცდილებისა და წარმოდგენილი ფასის გათვალისწინებით.

1.8. დამატებითი ინფორმაცია:

1.8.2. დამატებითი ინფორმაცია ასევე შესაძლებელია მიიღოთ შემდეგი პირისგან - გიორგი ბულეიშვილი სსიპ საქართველოს მუნიციპალური განვითარების ფონდის შესყიდვების სამსახურის სპეციალისტი: ტელ: +995 32 2437001/02/03/04 (შიდა ნომერი 405)

**წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარჯვებულ პირთან.
ხელშეკრულება სახელმწიფო შესყიდვის შესახებ №**

ქ. თბილისი

„___“ „-----“ 2014წ

ერთის მხრივ სსიპ - საქართველოს მუნიციპალური განვითარების ფონდი (შემდგომში შემსყიდველი), წარმოდგენილი მისი აღმასრულებელი დირექტორის ბ-ნი ელგუჯა ხოკრიშვილის სახით და მეორე მხრივ ----- (შემდგომში - მიმწოდებელი) წარმოდგენილი მისი ----- სახით „სახელმწიფო შესყიდვის შესახებ“ საქართველოს კანონის 10¹ მუხლის მე-3 პუნქტის „დ“ საფუძველზე, შესყიდვის ელექტრონული პროცედურის შედეგად (GE0-----) ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მიმწოდებელ ორგანიზაციას შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელზედაც მხარეთა შორის გაფორმდა ხელშეკრულება.

1.3. „შემსყიდველი ორგანიზაცია“ (შემდგომში შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელთანაც შემსყიდველმა გააფორმა სახელმწიფო შესყიდვის შესახებ ხელშეკრულება და რომელიც ახორციელებს მომსახურების მიწოდებას სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული.

2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს წინამდებარე ხელშეკრულების დანართით N1 (ტექნიკური დავალება) გათვალისწინებული პირობების შესაბამისად ახმეტის მუნიციპალიტეტში ფშაველი-აბანო-ომალის საავტომობილო გზის პრობლემური მონაკვეთების რეაბილიტაციის ტექნიკურ-ეკონომიკური შესწავლა და დეტალური საინჟინრო პროექტის შედგენის მომსახურება (შემდგომში მომსახურება) (cpv71320000), ხოლო შემსყიდველი კისრულობს ვალდებულებას მიიღოს მიწოდებული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

3.1. მთლიანი სახელშეკრულებო ღირებულება შეადგენს ----- (-----) ლარს

3.2. ხელშეკრულების ღირებულება მოიცავს ყველა ხარჯს, რომელიც დაკავშირებული იქნება წინამდებარე ხელშეკრულების დანართით N1 (ტექნიკური დავალება) გათვალისწინებული მომსახურების მიწოდებისთვის გათვალისწინებულ ყველა ხარჯსა და მოსაკრებელს, პროფესიული პასუხისმგებლობის უზრუნველყოფის მიზნით გათვალისწინებულ ყველა ხარჯს, წინასწარი

ანგარიშსწორების (საავანსო გადახდის) საბანკო გარანტიის ხარჯს (ასეთის მოთხოვნის შემთხვევაში) და მიმწოდებლისთვის გათვალისწინებულ ყველა გადასახადსა და მოსაკრებელს.

4. შესყიდვის ობიექტის მახასიათებლები და მიწოდების ვადები

4.1. შესყიდვის ობიექტის მახასიათებლები, მომსახურების მიწოდებისთვის გასატარებელი ღონისძიებები, საპროექტო სახარჯთაღრიცხვო დოკუმენტაციის შემადგენლობა, მომსახურების მიწოდების პირობები და მიმწოდებლისთვის დადგენილი სხვა მოთხოვნები, რომელიც აუცილებელი იქნება მომსახურების გაწევისათვის მოცემულია ხელშეკრულების დანართში N1 (ტექნიკური დავალება და მომსახურების აღწერილობა), რომელიც წარმოადგენს წინამდებარე ხელშეკრულების განუყოფელ ნაწილს.

4.2. მომსახურების მიწოდებისას მიმწოდებელმა უნდა გაითვალისწინოს საქართველოში მოქმედი სამართლებრივი აქტებით დადგენილი ყველა მოთხოვნა, რომელიც დაკავშირებული იქნება მომსახურების გაწევასთან, ასევე მიწოდებული მომსახურება უნდა შეესაბამებოდეს აღნიშნული მომსახურებისათვის დადგენილ საერთაშორისო სტანდარტებსა და მოთხოვნებს.

4.3. მომსახურების გაწევის ვადა მოცემულია ხელშეკრულების დანართში N1 (ტექნიკური დავალება).

5. ხელშეკრულების შესრულების კონტროლი

5.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

5.2 ხელშეკრულების მიმდინარეობის კონტროლის მიზანს წარმოადგენს:

5.2.1 მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

5.2.2 მიწოდებული მომსახურების ხარისხის ხელშეკრულებით გათვალისწინებულ მოთხოვნებთან შესაბამისობის დადგენა, მომსახურების განხილვა-შეთანხმება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში შესაბამისი ინსპექტირების დასკვნის შედგენა.

5.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

5.3 ხელშეკრულების შესრულების კონტროლს ახორციელებს სსიპ საქართველოს მუნიციპალური განვითარების ფონდის -----

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად.

6.2. მომსახურების წარდგენისა და მიღება-ჩაბარების პირობები მოცემულია ხელშეკრულების დანართში N1.

7. ანგარიშსწორება

7.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით.

7.2. ანგარიშსწორება განხორციელდება მიმწოდებლის საბანკო რეკვიზიტებზე.

7.3. ანგარიშსწორება მიმწოდებელთან განხორციელდება გაფორმებული მიღება-ჩაბარების აქტისა და დადგენილი წესით საგადასახადო ანგარიშფაქტურის წარდგენის საფუძველზე თუ მიმწოდებელი არის დღგ-ს გადამხდელი.

7.4. ანგარიშსწორება მიმწოდებელთან განხორციელდება მიმწოდებლის მიერ ხელშეკრულების

7.3. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

7.5. მიმწოდებლის მოთხოვნის შემთხვევაში შესაძლებელია განხორციელდეს წინასწარი ანგარიშსწორება, მიმწოდებლის მიერ შესაბამის თანხაზე საქართველოში მოქმედი საბანკო

დაწესებულებიდან გაცემული, შემსყიდველთან შეთანხმებული შინაარსის, უპირობო, გამოუთხოვადი წინასწარი ანგარიშსწორების (საავანსო) გარანტიის წარმოდგენის საფუძველზე, რომლის მოქმედების ვადა მინიმუმ 30 კალენდარული დღით უნდა აღემატებოდეს მომსახურების მიწოდების საბოლოო ვადას.

7.6.წინასწარი ანგარიშსწორება მიმწოდებელთან განხორციელდება წინამდებარე ხელშეკრულების 7.5. პუნქტით გათვალისწინებული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 10 კალენდარული დღის განმავლობაში.

7.7. მიმწოდებლის მოთხოვნის შემთხვევაში, შემსყიდველის გადაწყვეტილების საფუძველზე ანგარიშსწორება მიმწოდებელთან შესაძლებელია განხორციელდეს ცალკეული ეტაპების მიხედვით.

8. მომსახურების ხარისხი და გარანტია

მიმწოდებელი იძლევა გარანტიას, რომ მის მიერ გაწეული მომსახურება იქნება უფლებრივად და ნივთობრივად უნაკლო, არ გამოავლენს ხარვეზებს და შესრულებული იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით უზრუნველყოს გამოვლენილი ხარვეზის გამოსწორება.

9. პროფესიული პასუხისმგებლობის დაზღვევა

9.1. წინამდებარე ხელშეკრულების ფარგლებში მიმწოდებლის მიერ ნაკისრი ვალდებულებების შესრულებისას და ასევე წარმოდგენილი საპროექტო-სახარჯთაღრიცხვო დოკუმენტაციის საფუძველზე განხორციელებული პროექტის ფარგლებში მოსალოდნელი რისკის დაზღვევის მიზნით მიმწოდებელი ვალდებულია შემსყიდველისა და მიმწოდებლის სასარგებლოდ უზრუნველყოს პროფესიული პასუხისმგებლობის დაზღვევა ქვემოთ მითითებული პირობების შესაბამისად:

9.1.1. პროფესიული დაზღვევის დასაფარი თანხა შეადგენს (ხელშეკრულების ღირებულების სამმაგი ოდენობას) ლარს. (ფრანშიზა - არაუმეტეს ხელშეკრულების ღირებულების 1.5%).

9.1.2. დაზღვევა უნდა ფარავდეს ყველა მოსალოდნელ რისკს, რომელიც შეიძლება წარმოიშვას მიმწოდებლის პროფესიული შეცდომის შედეგად და რომელმაც წარმოშვა შემსყიდველისათვის დამატებითი ხარჯი ან ზიანი.

9.1.3. პროფესიული პასუხისმგებლობის დაზღვევის უზრუნველსაყოფად მიმწოდებელი ვალდებულია ხელშეკრულების გაფორმების თარიღიდან არაუგვიანეს 10 კალენდარული დღის ვადაში წარმოადგინოს საქართველოში მოქმედი საფინანსო ინსტიტუტების მიერ გაცემული სადაზღვევო პოლისი, რომლის მოქმედების ვადა არ უნდა იყოს 2 კალენდარულ წელზე ნაკლები მისი გაცემის თარიღიდან.

9.2. წინამდებარე ხელშეკრულების 9.1.1. პუნქტში განსაზღვრული ფრანშიზის დაფარვას საკუთარი სახსრებით უზრუნველყოფს მიმწოდებელი.

9.3. იმ შემთხვევაში თუ მიმწოდებლის შეცდომის შედეგად გამოწვეული ხარჯის ან/და ზიანის დაფარვა ვერ განხორციელდება წინამდებარე ხელშეკრულების 9.1. პუნქტის შესაბამისად მიმწოდებელი ვალდებულია უზრუნველყოს შემსყიდველისათვის მიყენებული ხარჯის ან/და ზიანის ანაზღაურება.

10. შესყიდვის ობიექტის საკუთრება, კონფიდენციალურობა და სავტორო უფლება

10.1. მიმწოდებლის მიერ მიწოდებული საპროექტო-სახარჯთაღრიცხვო დოკუმენტაცია და საპროექტო სახარჯთაღრიცხვო დოკუმენტაციით გათვალისწინებული ყველა სახის მასალა (გამოკვლევა, ანგარიშები ან სხვა მასალები, გრაფიკა, პროგრამული უზრუნველყოფა და სხვა დოკუმენტები) მიღება-ჩაბარების აქტის გაფორმების დღიდან წარმოადგენს შემსყიდველის საკუთრებას.

10.2. წინამდებარე ხელშეკრულების მოქმედების ვადაში და მისი შეწყვეტის შემდგომაც მიმწოდებელმა უნდა უზრუნველყოს საპროექტო-სახარჯთაღრიცხვო დოკუმენტაციისა და მისი შემადგენელ ყველა ნაწილთან დაკავშირებულ ინფორმაციის კონფიდენციალურობის დაცვა.

10.3. საავტორო უფლების საკითხი რეგულირდება მოქმედი კანონმდებლობის შესაბამისად.

11. მხარეთა ვალდებულებები

11.1. მიწოდებელი ვალდებულია:

11.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

11.1.2. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

11.2. შემსყიდველი ვალდებულია:

11.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიწოდებლის დროული და სრული დაფინანსება.

11.2.2. დროულად განიხილოს მიწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

11.2.3. დაიცვას ხელშეკრულებით გათვალისწინებული ყველა პირობა.

12. მხარეთა უფლებები

12.1. მიწოდებელს უფლება აქვს:

12.1.1. ხელშეკრულების ფარგლებში მოითხოვოს დროული და სრული დაფინანსება.

12.2. შემსყიდველს უფლება აქვს:

12.2.1. აწარმოოს მიწოდებლის მიერ წინამდებარე ხელშეკრულებით ნაკისრი ვალდებულებების კონტროლი.

12.2.2. განაცხადოს უარი უხარისხო მომსახურების მიღებაზე.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწვევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. ხელშეკრულების პირობების და ფასების გადასინჯვა

14.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

14.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების

ჯამური ღირებულების 10%-ზე მეტი ოდენობით გაზრდა.

14.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

15. სადაო საკითხების გადაწყვეტა

15.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის მიხედვით მიმართოს საქართველოს სასამართლოს.

16. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

17. ხელშეკრულების პირობების შეუსრულებლობა

17.1 მიმწოდებელი კისრულობს პასუხისმგებლობას ხელშეკრულებით გათვალისწინებული მომსახურების მიწოდების ვადების დარღვევის ან წინამდებარე ხელშეკრულების მე-9 მუხლით გათვალისწინებული დაზღვევის პოლისის დაგვიანებით წარმოდგენის შემთხვევაში გადაუხადოს შემსყიდველს პირგასამტეხლო ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

17.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

17.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

17.4 იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

18. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

18.1. მხარეთა შეთანხმებით;

18.2. ხელშეკრულების 17.4. პუნქტით გათვალისწინებული პირობის არსებობისას;

18.3. საქართველოს მოქმედი კანონმდებლობით გათვალისწინებულ სხვა შემთხვევებში.

19. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2014 წლის 31 დეკემბრის ჩათვლით.

20. განსაკუთრებული პირობები

20.1 ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს;

20.2 ხელშეკრულების ერთი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.

ტექნიკური დავალება და მომსახურების აღწერილობა

ახმეტის მუნიციპალიტეტში ფშაველი-აბანო-ომალის საავტომობილო გზის პრობლემური მონაკვეთების რეაბილიტაციის ტექნიკურ-ეკონომიკური შესწავლა და დეტალური საინჟინრო პროექტის მომზადება

1. შესავალი

საქართველოს მუნიციპალური განვითარების ფონდი (შემსყიდველი) მსოფლიო ბანკისა და საქართველოს მთავრობის დაფინანსებით, ახორციელებს რეგიონული განვითარების პროექტს, რომლის მიზანია ხელი შეუწყოს მუნიციპალიტეტების ინსტიტუციური და ფინანსური შესაძლებლობის გაძლიერებას, ინფრასტრუქტურული და საინვესტიციო ქვეპროექტების განხორციელების მეშვეობით.

წინამდებარე ტექნიკური დავალება განსაზღვრავს საკონსულტაციო მომსახურების პირობებს (ტექნიკურ-ეკონომიკური შესწავლა და დეტალური საინჟინრო პროექტის მომზადება), ახმეტის მუნიციპალიტეტში ფშაველი-აბანო-ომალის საავტომობილო გზის პრობლემური მონაკვეთების რეაბილიტაციის მიზნით.

2. ქვეპროექტის მოკლე აღწერა

ობიექტი მდებარეობს ახმეტის მუნიციპალიტეტში. გზის სიგრძე სოფ. ფშაველიდან სოფ. ომალომდე 72 კმ-ს შეადგენს.

ძირითადი პრობლემური მონაკვეთები და მათი დახასიათება:

19 – 28 კმ-ის ჩათვლით ვიწრო გზაა (ზოგან 4 მ-ზე ნაკლებიც), ცივად ფერდობებით, სავალი ნაწილი უსწორმასწოროა, კლდოვანი ქანები გამოდის გზის ზედაპირზე. საჭიროა სავალი ნაწილის გასწორება და გაგანიერება, ზოგ ადგილებში (18+29, 23, 26 კმ-ზე) საჭირო იქნება საყრდენი კედლების/ღვარსაშვებების მოწყობა

36 კმ-ზე გზას კვეთავს სამი ხევი, რომლებიც ბოლოში ერთდება („ცოდვიანი ხევი“). ხშირად ხდება გრუნტის ჩამოშვება, მუდმივად ივსება ნატანით და ხერგავს გზას. საჭიროა ახალი თაროს გაჭრა არსებულ გზაზე 30-40 მ-ით მაღლა. საორიენტაციოდ ასევე საჭიროა ტრასის შეცვლა და ახალი თაროს მოწყობა 52, 53 („ხოდამკოს ხევი“) და 59+63 კმ-ზე.

62 კმ-ზე (სოფ. ხისოს 3-4 კმ მონაკვეთზე) გზის ფერდობი მუდმივად სველდება, წვიმების დროს გროვდება დიდი რაოდენობის ტალახი და ლაფი, მუდმივად საჭიროებს გაწმენდას.

მშენებლობისათვის გამოყოფილი შეზღუდული ფინანსირების გამო, დავალება ითვალისწინებს: ა) ზემოაღნიშნული პრობლემური მონაკვეთების შესწავლას და კვლევას; ბ) წინასაპროექტო ალტერნატიული ტექნიკური გადაწყვეტილების განხილვას; გ) ალტერნატივების შედარებას, პრიორიტეტული სამუშაოს დადგენას და ტექნიკურ-ეკონომიკური დასაბუთების მომზადებას; ბ) დეტალური პროექტის და სატენდერო დოკუმენტაციის მომზადებას.

3. დავალების მიზანი

ამ დავალების მიზანს წარმოადგენს ტექნიკურ-ეკონომიკური შესწავლა, პრიორიტეტულ სამუშაოთა განსაზღვრა და დეტალური საინჟინრო პროექტის მომზადება, რომელიც შემდგომ გამოყენებული იქნება პროექტის განსახორციელებლად.

3.1 ტექნიკურ-ეკონომიკური შესწავლა

დავალება გულისხმობს ფინანსური, ტექნიკური, გარემოსდაცვითი შესწავლის მომზადებას, რომელშიც ასევე შევა შემოთავაზებული ინვესტიციების ეკონომიკური ეფექტურობის ანალიზი. მიმწოდებელის (კონსულტანტის) მიერ წარმოსადგენი მასალა უნდა უზრუნველყოფდეს

საფუძველს, რომლის მიხედვითაც მსოფლიო ბანკი გადაწყვეტს პროექტის დაფინანსებას და უნდა მოიცავდეს:

- ქვეპროექტის ტექნიკური და ეკონომიკური დასაბუთება, ყველა შესაძლო ალტერნატივის მიმოხილვის ჩათვლით.
- რეკომენდაციები პროექტის განხორციელების გეგმის შესახებ და განხორციელების სავარაუდო გრაფიკი;
- პროექტის პრობლემებისა და რისკების ანალიზი;
- პროექტის პარამეტრები და ალტერნატივები;
- მუნიციპალიტეტის ფინანსური მონაცემების ანალიზი პროექტამდე და პროექტის განხორციელების შემდეგ;
- მუნიციპალიტეტის ფინანსური და საოპერაციო შესაძლებლობის დადგენა და პროექტის განხორციელების შემთხვევაში საოპერაციო და სხვა თანმდევი ხარჯების დაფარვის უნარიანობა; პროექტის დასრულების შემდეგ ობიექტის მდგრადობის შენარჩუნება;
- სატრანსპორტო ქსელის ანალიზი და მაღალპრიორიტეტული საჭიროებების განსაზღვრა;
- გზების გაუმჯობესებიდან გამომდინარე მგზავრობის დროის შემცირება, სატრანსპორტო საშუალებების საექსპლუატაციო ხარჯის შემცირება და გარემოს დაბინძურების შემცირება;
- პროექტის ეფექტურობა გათვლილი ბენეფიციარების ხვედრით მაჩვენებელზე დახარჯულ ინვესტიციების ოდენობასთან შეფარდებით;
- გამოყენებული მეთოდოლოგია.

საბაზისო ინდიკატორები

- სატრანსპორტო საშუალებების საექსპლუატაციო ხარჯების შემცირება;
- ინვესტიციების ეფექტურობის მაჩვენებელი.

საწყისი ინფორმაცია ბუნებრივ და სოციალურ გარემოზე ზემოქმედების წინასწარი შეფასებისათვის.

მიმწოდებელი განახორციელებს წინასწარ შესწავლას და შეაგროვებს იმ მინიმალურ ინფორმაციას, რომელიც საჭიროა მსოფლიო ბანკის გარემოსდაცვითი პოლიტიკის შესაბამისად პროექტის კატეგორიზაციისათვის, გზშ-ს აუცილებლობის შესახებ გასაწყვეტილების მიღებისა და გზშ-ს ტექნიკური დავალების მომზადებისათვის. მიმწოდებელი ასევე მოიპოვებს და წარმოადგენს საჭირო ინფორმაციას მიწის მფლობელობის და ზემოქმედების მასშტაბის წინასწარი შეფასებისათვის. წინასწარი შესწავლის ეტაპზე მიმწოდებელმა უნდა წარმოადგინოს შემდეგი ინფორმაცია:

- პროექტის მოკლე კონცეფტუალური აღწერა
- პროექტის განხორციელების ადგილი ტოპოგრაფიულ რუკაზე და სიტუაციური გეგმა
- პანორამული ფოტოები და ცალკეული ნაგებობებისათვის განკუთვნილი ადგილების ფოტოები
- წინასწარი ტოპოგრაფიული, გეოლოგიური და ჰიდროგეოლოგიური ინფორმაცია (რელიეფის, ქანების, ნიადაგის აღწერა არსებული საარქივო მონაცემების და ვიზუალური დათვალიერების შედეგად; ინფორმაცია უნდა იძლეოდეს დასკვნას სახიფათო გეოლოგიური პროცესების არსებობის ან ალბათობის შესახებ, აფეთქებითი სამუშაოების წარმოების აუცილებლობის შესახებ; გრუნტის წყლების განლაგების სიღრმის შესახებ და ა.შ.)
- სიახლოვე მდინარესთან ან ზედაპირული წყლების სხვა ობიექტებთან (ტბები; არხები და ა.შ.)
- გულისხმობს თუ არა პროექტი ტყის გაჩეხვას ან სხვა სახის მცენარეული საფარისაგან გაწმენდას
- მიწის მფლობელობის და მიწათსარგებლობის საკითხები:

ა) საკადასტრო მონაცემები პროექტის განხორციელების ტერიტორიაზე;

ბ) ოფიციალურად დადასტურებული ინფორმაცია იმის შესახებ, ახდენს თუ არა პროექტი ზემოქმედებას კერძო საკუთრებაში მყოფ ან არენდით გადაცემულ მიწის ნაკვეთებზე (დროებითი

შემფოთება, ნაკვეთის ნაწილის ან მთლიანად ნაკვეთის დაკარგვა მფლობელის მიერ, ნაკვეთზე არსებული ქონების დაკარგვა, შემოსავლის დაკარგვა და ა.შ.)

მიღებული ინფორმაციის საფუძველზე მგფ-ის გარემოს დაცვისა და სოციალური სპეციალისტი განახორციელებს სკრინინგის პროცედურას, რომლის საფუძველზეც განსაზღვრავს შემდგომი გარემოსდაცვითი და სოციალური შესწავლების აუცილებლობას.

ტექნიკურ-ეკონომიკური შესწავლის საფუძველზე მიმწოდებელი მუნიციპალიტეტთან და შემსყიდველთან ერთად განსაზღვრავს ქვეპროექტის ბიუჯეტის ფარგლებში განსახორციელებელ პრიორიტეტულ სამუშაოებს, რომლისთვისაც დამუშავდება დეტალური საინჟინრო პროექტი.

3.2 დეტალური საინჟინრო პროექტის და სატენდერო მასალების მომზადება

საკონსულტაციო მომსახურება მოიცავს (მაგრამ შეიძლება არ შემოიფარგლოს) დეტალური პროექტის შესადგენად საძიებო-კვლევით და საპროექტო სამუშაოებს, კერძოდ:

- I. ობიექტის რეკონსტრუქცია;
- II. საძიებო-კვლევითი სამუშაოები:
 - ტახეომეტრიული აგეგმვა;
 - სავალი ნაწილის კონსტრუქციის გამოკვლევა (გეოლოგიური დასკვნა და ჭრილები);
- III. საპროექტო სამუშაოები:
 - განმარტებითი ბარათი;
 - ობიექტის სქემა და გენგეგმა;
 - საგზაო სამოსის კონსტრუქციის შერჩევა;
 - გზის გრძივი და განივი პროფილების დაპროექტება, მასშტაბი 1:1000/1:2000, 1:100/1:200;
 - ხელოვნური ნაგებობების დაპროექტება (საყრდენი კედლები, წყალამრიდი ნაგებობები);
 - სანიაღვრე სისტემის პროექტი და წყალამრიდი ღონისძიები საჭიროების მიხედვით, მასშტაბი 1:1000/1:2000, 1:100/1:200;
 - სისტემის ელემენტების ტექნოლოგიური და კონსტრუქციული ნახაზები, მასშტაბი 1:100/200/500;
 - საპროექტო კვანძები, დეტალები. მასშტაბი 1:50/10;
 - სამუშაოთა მოცულობების საპიკეტო უწყისის შედგენა;
 - სამუშაოთა მოცულობების კრებსითი უწყისის შედგენა;
 - საჭირო მასალების ამონაკრები;
 - საჭირო მანქანა-მექანიზმების უწყისის შედგენა;
 - მშენებლობის კალენდარული გრაფიკი;
- IV. მშენებლობის ორგანიზაცია;
- V. მშენებლობის ხარჯთაღრიცხვა (რესურსული და გამსხვილებული ვერსიები)
- VI. ტექნიკური სპეციფიკაციები სატენდერო დოკუმენტაციისათვის.

პროექტის განმარტებით ბარათში მოკლედ უნდა იყოს აღწერილი არსებული მდგომარეობა და საპროექტო გადაწყვეტილებები (უნდა დაერთოს საჭირო გაანგარიშებები, სქემები, ცხრილები, ფოტომასალა და ა.შ.), მოცემული უნდა იყოს სარეაბილიტაციო ობიექტის ძირითადი პარამეტრები, გამოყენებული მასალების სპეციფიკაციები, სამუშაოთა ჩამონათვალი, მოცულობები და მშენებლობის ორგანიზაციის რეკომენდაციები საორიენტაციო კალენდარული გრაფიკით, გარემოსდაცვითი ნაწილი.

მითითებული უნდა იყოს გამოყენებული სამშენებლო ნორმები და წესები და გაანგარიშებების მეთოდები.

ტექნიკური სპეციფიკაციები უნდა მოიცავდეს კონტრაქტორისათვის (სამშენებლო ტენდერში მონაწილეთათვის) ზოგად მითითებებსა და რეკომენდაციებს. ასევე, დეტალურ სპეციფიკაციებს (ყველა აუცილებელი სტანდარტის მითითებით) გამოყენებული მასალებისათვის, სამუშაოთა შესრულების მეთოდებისა და ხარისხის კონტროლისათვის.

პროექტის გრაფიკული ნაწილი (როგორც სამშენებლო, ასევე სატენდერო ნახაზები) შესრულებული უნდა იყოს სამუშაო დოკუმენტაციისათვის მოთხოვნილი ნორმების და სტანდარტების შესაბამისად, სათანადო მასშტაბში და დეტალიზაციით.

4. მიმწოდებლის შტატი

მიმწოდებელმა დავალებით გათვალისწინებული მომსახურების მაღალ დონეზე შესასრულებლად უნდა უზრუნველყოს კვალიფიციური კადრების მობილიზება (როგორც ძირითადი სპეციალისტების, ასევე დამხმარე ტექნიკური პერსონალის).

ყველა ექსპერტი (წამყვანი სპეციალისტი) თავის შესაბამის დისციპლინაში აღიარებული პროფესიონალი უნდა იყოს და გააჩნდეს მსგავსი სამუშაოების შესრულების არანაკლებ 10 წლის პროფესიული გამოცდილების სტაჟი.

5. ანგარიშგება და განრიგი

დავალების დაწყებიდან **1** კვირის ვადაში მიმწოდებელი წარმოადგენს დასაპროექტებელი ობიექტის შესწავლის წინასაწარ ანგარიშს, მუნიციპალიტეტთან და შემსყიდველთან ერთად ქვეპროექტის ბიუჯეტის ფარგლებში პრიორიტეტული სამუშაოების განსაზღვრის მიზნით. შემსყიდველი 1 კვირის განმავლობაში მიაწვდის მიმწოდებელს შენიშვნებსა და კომენტარებს წინასწარი ანგარიშის შესახებ.

დავალების დაწყებიდან **5** კვირის ვადაში მიმწოდებელი წარუდგენს შემსყიდველს დეტალური პროექტის საწყის ვარიანტს შესათანხმებლად. შემსყიდველი 1 კვირის განმავლობაში მიაწვდის მიმწოდებელს შენიშვნებსა და კომენტარებს პროექტთან დაკავშირებით.

მიმწოდებელი ვალდებულია, შემსყიდველის კომენტარების მიღებიდან 1 კვირის განმავლობაში, შეიტანოს სათანადო ცვლილებები პროექტში და საბოლოო ვარიანტი, ტექნიკურ-ეკონომიკურ შესწავლასა და სატენდერო მასალებთან ერთად წარუდგინოს შემსყიდველს.

პროექტის საბოლოო ვარიანტის წარმოდგენიდან 1 კვირის განმავლობაში მიმწოდებელი წარუდგენს შემსყიდველს ადგილობრივ მუნიციპალიტეტთან პროექტის შეთანხმების დოკუმენტს.

მიმწოდებელმა შემსყიდველს (დამკვეთს) უნდა გადასცეს ტექნიკურ-ეკონომიკური შესწავლის საბოლოო ანგარიში, დეტალურ პროექტი და სატენდერო მასალები დაბეჭდილი სამ ეგზემპლარად, ქართულ და ინგლისურ ენებზე.

წარმოდგენილ მასალებს თან უნდა დაერთოს მათი ელექტრონული ვერსია (ტექსტური ნაწილი Word და Excel ფაილების სახით, ხოლო ნახაზები Auto CAD ფორმატში).

6. განსაკუთრებული პირობები

მიმწოდებელი (კონსულტანტი) ვალდებულია აღნიშნული პროექტის განხორციელების მთელი პერიოდის განმავლობაში (საჭიროების შემთხვევაში), მათ შორის საპროექტო მომსახურების ხელშეკრულების ვადის გასვლის შემდგომ მონაწილეობა მიიღოს საპროექტო გადაწყვეტილებათა დაზუსტებაში, მუშა ნახაზების, სამშენებლო მოცულობების და კონტრაქტის სხვა შესაბამისი ცვლილებების მომზადება-შეთანხმებაში

7. შემსყიდველის წვლილი

შემსყიდველი მიმწოდებელს გადასცემს მის ხელთ არსებულ ყველა მასალას, რომელიც შეიძლება საჭირო იყოს საკონსულტაციო მომსახურებისათვის.

8. სამუშაოს ხანგრძლივობა

საკონსულტაციო მომსახურების საორიენტაციო ვადაა **8 კვირა**

ინფორმაცია ანალოგიური მომსახურები შესახებ

N	დამკვეთის დასახელება	ანალოგიური მომსახურების აღწერილობა და შინაარსი	სახელშეკრულებო ღირებულება	ფაქტიურად გაწეული მომსახურების ღირებულება	შესრულების პერიოდი (დაწყება/დასრულების თარიღი)	შენიშვნა
1						
2						
3						
....						

• მინიმალური სავალდებულო მოთხოვნა:

მონაწილე პირს 3 წლის განმავლობაში წარმატებით უნდა ქონდეს განხორციელებული დანართით N1 (ტექნიკური დავალება) გათვალისწინებული მომსახურების შინაარსის არანაკლებ 3 პროექტი, რომელთაგან მინიმუმ ერთი პროექტი უნდა იყოს მინიმუმ დანართით N1 გათვალისწინებული მომსახურების ღირებულებისა და სირთულის.

✓ შენიშვნა

მონაწილე პირი აუცილებლად უნდა აკმაყოფილებდეს მინიმალურ მოთხოვნას, ამასთან ის არ არის შეზღუდული წარმოადგინოს ანალოგიური პროექტების განხორციელების სრული ინფორმაცია.

მონაწილე პირმა უნდა ერთიანი ელექტრონული სისტემის მეშვეობით უნდა წარმოადგინოს მინიმუმ დანართით N1 (ტექნიკური დავალება) გათვალისწინებული მომსახურების შინაარსის, სირთულისა და ღირებულების, არანაკლებ ერთი პროექტის შესრულების დამადასტურებელი დოკუმენტი

ხელმოწერა,

ბ/ა (ბეჭდის არსებობის შემთხვევაში)

რეკვიზიტები სპროექტო მომსახურების ფასი

- პრეტენდენტის სამართლებრივი ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული ფოსტის მისამართი:
- მომსახურე ბანკი:
- ბანკის კოდი:
- ანგარიშსწორების ანგარიში:

საპროექტო მომსახურების ფასი: _____ ლარი
(თანხა ციფრებთ) (თანხა სიტყვიერად)

_____ ხელმოწერა,

_____ ბ/ა (ბეჭდის არსებობის შემთხვევაში)